



**Poziv za dostavu ponuda
za nabavku ugostiteljskih usluga za potrebe Centralne izborne komisije
Bosne i Hercegovine**

**TENDERSKA DOKUMENTACIJA
Broj: 07-2-16-3-177-6/19**

Mart 2019. godine

Na osnovu člana 8. Zakona o javnim nabavkama Bosne i Hercegovine ("Službeni glasnik BiH" broj 39/14; u daljem tekstu Zakon) i odredaba Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik BiH" broj 66/16), pozivamo vas da dostavite ponudu u okviru poziva za dostavljanje ponuda za javnu nabavku ugostiteljskih usluga za potrebe rada Centralne izborne komisije Bosne i Hercegovine. Postupak će biti proveden u skladu sa Zakonom, podzakonskim aktima i ovim pozivom.

1. OPĆI PODACI

1.1 Podaci o ugovornom organu

Ugovorni organ: Centralna izborna komisija Bosne i Hercegovine
Adresa: Ul.Danijela Ozme br.7, Sarajevo
Identifikacijski broj: 4200539410001
Detaljna adresa za korespondenciju: Ul.Danijela Ozme br. 7, 71 000 Sarajevo
Telefon: 033 251 300
Faks: 033 251 329
E-mail: nabavka@izbori.ba
Web stranica: www.izbori.ba

1.2 Podaci o osobi zaduženoj za kontakt

Lice / lica koje/a je/su ovlašteno/a da vode komunikaciju u ime ugovornog organa sa dobavljačima: Zlata Kokorović, Tel. +387 33/251-329, e-mail adresa: zlata.kokorovic@izbori.ba

1.3 Definicije pojmova / skraćenica

Pojmovi / skraćenice koji se koriste u ovoj tenderskoj dokumentaciji imaju sljedeća značenja:

"Ovlašteno lice / lica" – lice / lica koje/a je ugovorni organ ovlastio da djeluje/u u njegovo ime i lice / lica koje/a ima/ju pismenu punomoć da djeluje/u u ime ponuđača;

"Ugovorni organ" – Centralna izborna komisija Bosne i Hercegovine;

"Zakon" – Zakon o javnim nabavkama Bosne i Hercegovine („Službeni glasnik BiH“, broj 39/14);

"Postupak nabavke"– postupak koji provodi ugovorni organ na osnovu ove tenderske dokumentacije;

"Podzakonski akti" – podzakonski akti koji su doneseni na osnovu Zakona;

"Ponuđač" – privredni subjekt koji može biti fizičko ili pravno lice ili grupa ponuđača koja na tržištu nudi usluge i koji je predao ponudu u skladu sa tenderskom dokumentacijom;

"Dobavljač" – privredni subjekt kojem je nakon postupka javne nabavke dodijeljen ugovor o javnoj nabavci;

"TD" – ova tenderska dokumentacija.

Postupak nabavke će se provesti u skladu sa Zakonom, podzakonskim aktima koji su doneseni u skladu sa Zakonom i ovom TD.

1.4 Popis privrednih subjekata, koji su isključeni iz postupka javne nabavke zbog postojanja sukoba interesa, u skladu sa članom 52. Zakona o javnim nabavkama:

Kod ugovornog organa ne postoje privredni subjekti, koji se u ovom postupku javne nabavke, mogu pojaviti kao učesnici, a koji su u situacijama iz člana 52. st. (4) i (5) Zakona.

1.5 Podaci o postupku javne nabavke

Centralna izborna komisija Bosne i Hercegovine organizira godišnju postizbornu Konferenciju „Opći izbori 2018. – izazovi izbornog procesa u Bosni i Hercegovini“ koja će okupiti članove izborne administracije iz cijele Bosne i Hercegovine. Konferencija će se održati u vremenu od 14.-16.04.2019. godine.

Ovim pozivom je predviđena nabavka ugostiteljskih usluga – hotelskog smještaja gostiju (32 osobe) usluge posluživanja osvježenja u pauzama i uz ručak. Nabavka je predviđena u **ugovoru o dodjeli bespovratnih sredstava zaključenom između Centralne izborne komisije Bosne i Hercegovine i Vijeća Evrope za održavanje postizborne Konferencije “Opći izbori 2018. godine izazovi izbornog procesa u Bosni i Hercegovini“** i provodi se u skladu sa odredbama člana 7. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama.

1.6 Procijenjena vrijednost nabavke je u iznosu približno 10.325,00 KM bez PDV (slovima: deset hiljadatristotinedvadesetpet KM), odnosno **12.080,00 KM sa PDV** (slovima: dvanaest hiljadaosamdeset KM).

1.7 Podijela na lotove - Predmet nabavke nije podijeljen na lotove.

1.8 JRJN je 55310000-6 – Usluge posluživanja u restoranima
JRJN je 55100000-1 – Hotelske usluge

1.9 .Vrsta ugovora o javnoj nabavci: Javna nabavka usluga iz aneksa II dio B Zakona.

1.10 Period na koji se vrši nabavka: Nabavka ugostiteljskih usluga će se vršiti jednokratno u periodu od 14.-16.04.2019. godine.

1.11 Okvirni sporazum: Nije predviđeno zaključenje okvirnog sporazuma.

1.12 . Mjesto izvršenja usluge: Usluge će se koristiti na području Sarajeva.

1.13. Način vršenja usluga: Detaljno će se urediti u ugovoru koji će se zaključiti sa odabranim ponuđačem.

1.14 Plaćanje će se vršiti u skladu sa trezorskim sistemom plaćanja, žiralno, u roku od 15 dana od dana ispostavljanja fakture po završenoj usluzi.

2. OPIS PREDMETA NABAVKE I TEHNIČKE SPECIFIKACIJE

2.1 Opis predmeta nabavke

Predmet javne nabavke je nabavka ugostiteljskih usluga, hotelskih usluga, usluga noćenja sa polu pansionom, posluživanja ručka i večere za sve goste (i one koji ne koriste usluge noćenja), osvježenja u pauzama za vrijeme održavanja Konferencije, usluge iznajmljivanja velike sale za održavanje Konferencije koja može da primi do 200 učesnika Konferencije i opreme; laptop, projektor, projekciono platno, flipchart, razglas i oprema za simultano prevođenje, te prostorije u blizini konferencijske sale iz koje bi zaposleni Naručioaca usluge podržali konferenciju logistički – za 2 dana. Hotel treba da posjeduje parking prostor za najmanje 100 vozila.

Ponuđači u svojoj ponudi treba da iskažu cijene soba bez PDV i sa PDV-om i taksama, te da navedu šta je besplatno uključeno u cijenu soba za goste. Isto tako ponuđači treba da u ponudi dostave pravila za otkazivanje rezervacije.

2.2 Tehnička specifikacija

U skladu sa Prilogom 1 tenderske dokumentacije – Obrazac za cijenu ponude.

2.2 Obrazac za cijenu ponude

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ponuđene jedinične cijene za pružanje usluga treba da uključe obaveze vezane za te usluge, tj: jedinična cijena svake stavke sadrži sve naknade koje ugovorni organ treba platiti ponuđaču na koju se zatim obračunava PDV.

Ugovorni organ ne smije imati nikakve dodatne troškove osim onih koji su navedeni u obrazcu za cijenu ponude - u skladu sa Prilogom 1 tenderske dokumentacije-Obrazac za cijenu ponude.

2.3 Način određivanja cijene ponude

Cijena ponude obuhvata sve stavke iz obrasca za cijenu ponude.

Jedinične cijene ponude su nepromjenjive.

U jediničnoj cijeni se obavezno navodi cijena (bez PDV-a), ponuđeni popust i na kraju cijena sa uključenim popustom (bez PDV-a).

Ugovor se zaključuje na iznos sredstava predviđenih budžetom za ovu nabavku.

Cijena ponude se izražava u konvertibilnim markama (BAM).

USLOVI ZA KVALIFIKACIJU / ZAHTJEVI KOJE PONUĐAČ TREBA ISPUNITI

3. Uslovi za kvalifikaciju i potrebni dokazi

3.1 Da bi učestvovao u konkretnom postupku javne nabavke, ponuđač mora zadovoljavati **minimalne kvalifikacione uslove**, utvrđene srazmjerno predmetu ove nabavke i to:

- a) da je registrovan za obavljanje djelatnosti koja je predmet ove nabavke;
- b) da je tehnički i profesionalno sposoban za realizaciju predmetnog ugovora u skladu sa zahtjevima iz ovog poziva (član 50. tačka e) Zakona o javnim nabavkama).

3.2 Potrebni dokazi

a) Izvod iz sudskog registra ili drugi ekvivalentan dokument izdat od strane nadležnog organa kojim se dokazuje pravo na obavljanje predmetne djelatnosti u smislu člana 46. Zakona, obična kopija.

b) Izjava o tehničkoj i profesionalnoj sposobnosti i opremljenosti, potpisana i ovjerena od strane ponuđača, za vršenje predmetnih usluga (prema prilogu 2). Izjava ne može biti starija od 15 dana od dana predaje ponude.

Dokazi iz tačke a) i b) se distavljaju u ponudi u obliku kako je zahtjevano.

U skladu sa članom 45. stav (5) Zakona, ugovorni organ može odbiti ponudu i ukoliko utvrdi da je ponuđač bio kriv za težak profesionalni propust počinjen tokom perioda od tri godine prije početka postupka, a koji ugovorni organ može dokazati na bilo koji način, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do

njegovog prijevremenog raskida, nastanka štete ili drugih sličnih posljedica, zbog namjere ili nemara privrednog subjekta, određene težine.

Samo onim kandidatima čije kvalifikacije zadovoljavaju uslove utvrđene u ovoj tenderskoj dokumentaciji će biti dozvoljeno da nastave postupak predmetne nabavke.

3.3 Zahtjevi koje ponuđač treba ispuniti

3.3.1 Po pitanju tehničkih, profesionalnih i količinskih specifikacija, ponuda treba da sadrži:

Hotelski smještaj u jednokrevetnim i dvokrevetnim sobama, polu pansion za oko 200 gostiju, direktan brzi internet pristup u sobama. Obezbjedenje ručka sa osvježenjem za 200 gostiju tokom trajanja Konferencije. Da ima osiguran parking prostor za 100 vozila. Odgovarajuća kategorizacija hotela sa najmanje četiri zvjezdice.

Pošto nije poznat tačan broj osoba koje će sudjelovati na Konferenciji, ponuđači svoju cijenu iskazuju jedinično tj. po cijeni jedne jednokrevetne sobe sa polu pansionom i cijeni jedne dvokrevetne sobe sa polu pansionom, i ostalim jediničnim cijenama za usluge kako je navedeno u obrascu za cijenu ponude.

3.3.2 U svrhu dokazivanja ispunjavanja uslova iz tačke 3.3.1 ponuđači su dužni dostaviti kataloge, fotografije ili navesti internet/web stranicu na kojoj bi se mogli pogledati sadržaj menija i izgled i sadržaj soba, uz ponudu.

4. Način dostavljanja ponude

Ponude se dostavljaju na adresu:

Danijela Ozme br. 7, 71000 Sarajevo,
putem pošte ili predajom direktno na protokol.

Na koverti ponude mora biti naznačeno:

- naziv i adresa ugovornog organa,
- naziv i adresa ponuđača,
- evidencijski broj nabavke,
- naziv predmeta nabavke,
- naznaka „ne otvaraj“.

4.1 SADRŽAJ PONUDE

Ponuda sadrži:

1. Obrazac za ocjenu ponude (Prilog 1)
2. Dokaze iz tačke 3.2. pod a)
3. Izjavu iz tačke 3.2. pod b) (Prilog 2)

4.2 ROK ZA DOSTAVLJANJE PONUDA

Zainteresovani ponuđači mogu dostavljati ponude tokom roka od 14 dana od dana objavljivanja poziva na internet stranici ugovornog organa.

Ovaj poziv je objavljen na Internet stranici Centralne izborne komisije Bosne i Hercegovine.

Prilozi :

Prilog 1 – Obrazac za ocjenu ponude

Prilog 2 – Izjava o ispunjavanju uslova iz tačke 3.2. pod b) ovog poziva

OBRAZAC ZA CIJENU PONUDE

Naziv i sjedište ponuđača _____

Ponuda broj: _____

HOTELSKE USLUGE					
RB.	Naziv/opis usluge	Jedinična cijena bez PDV	Popust	PDV	Jedinična cijena sa PDV i popustom
1.	Noćenje u jednokrevetnoj sobi polu pansion po osobi				
2.	Noćenje u dvokrevetnoj sobi polu pansion po osobi				
3.	Iznajmljivanje konferencijske sale za 150 učesnika za dva dana				
4.	Iznajmljivanje opreme za održavanje konferencije: projektor, projekciono platno, flip čart, laptop i oprema za simultano prevođenje				
5.	Ručak na bazi švedskog stola				
6.	Svečana večera				
7.	mineralna/naturalna voda				
8.	Kafa				
9.	Čaj				
10.	Sokovi				
11.	Ukupna cijena bez PDV				
12.	Ukupno popust u KM ili %				
13.	PDV na cijenu sa popustom				
14.	Ukupna cijena sa PDV i popustom				

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koji ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. Ponuđač je obavezan u ponudi da navede popust ako je isti odobren.
4. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
5. Jedinična cijena stavke se ne smatra računarskom greškom, odnosno ne može se ispravljati.

Potpis ovlaštene osobe: _____ Pečat ponuđača

Mjesto i datum _____

Izjava o ispunjenosti uslova iz člana 50. tač. e) (Tehnička i profesionalna sposobnost u postupku nabavke usluga) Zakona o javnim nabavkama („Službeni glasnik BiH“, broj 39/14)

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad / općina), na adresi _____ (Ulica i broj), kao ponuđač u postupku javne nabavke **ugostiteljskih usluga**, a kojeg provodi ugovorni organ Centralna izborna komisija Bosne i Hercegovine, a u skladu sa članom 50. tačka e) pod **punom materijalnom i kaznenom odgovornošću dajem sljedeću**

Izjavu

e) o tehničkoj opremljenosti i osposobljenosti te mjerama kojima raspolaže pružalac usluga za izvršenje konkretnih usluga i osiguranje kvalitete;

Navesti precizne podatke vezane za zahtjeve iz tenderske dokumentacije:

Nadalje, izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno kaznenim zakonima u BiH, te da davanje netačnih podataka u dokumentima kojima se dokazuje tehnička i profesionalna sposobnost iz čl. 48. do 51. Zakona o javnim nabavkama predstavlja prekršaj za koji su predviđene novčane kazne od 1.000 KM do 10.000 KM za ponuđača (pravno lice) i od 200 KM do 2.000 KM za odgovorno lice ponuđača.

Izjavu dao:

Mjesto i datum davanja izjave:

Potpis i pečat ponuđača:
